



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

66. An famulus familiaris Episcopi, qui tamen eius expensis alitur, possit ab illo Ordinari, & gaudeat priuilegio Concilij Tridentini sess. 23. cap. 9. de reformatione? Et cursim deducitur, ...

[urn:nbn:de:hbz:466:1-76405](#)

De Sacramento Ordinis. Ref.LXV.&c. 297

de irregul. cap. 17. num. 3. & lib. 10. de ordine, cap. 12.
num. 1. in omnibus, lib. D.

RESOL. LXV.

An Episcopus possit ordinare famulum sui familiaris triennali?

Et supponitur istum famulum in servisse familiari Episcopi per triennium? Ex part. 8. tr. 2. Ref. 34.

Sup. hoc in
Ref. seq. à
lib. 6. & in
fra. in Refol.
p. 5. vlt. cur-
fand me-
gion.

§. 1. **A**ffirmatio olim respondit Sanchez, & postea inuenio hanc sententiam tribus vi-
tis doctis placuisse, & ideo illam, me citato, tenent Marchinus de Sacr. pratt. 1. p. 5. c. 9. n. 8. Barbofa de
potestate Episcop. p. 2. alleg. 5. n. 7. & Averfa de sacram. Ordin. q. 3. f. 6. Igitur sub verbis Concilij intelligentia-
tur quoque famuli, & familiares corundem familiarium,
qui inserviunt Episcopo, cuius impensis alantur. Et hanc sententiam tenet etiam nouissime Escobar in Theol. mor. tr. 7. exam. 8. c. 4. n. 7. suppono
istum famulū inservisse familiari Episcopi per trien-
nium; nam non debet habere maius priuilegium,
quam familiaris ipse, cui deseruit.

RESOL. LXVI.

An famulus familiaris Episcopi, qui tamen eius expen-
sas alit, possit ab illo ordinari, & gaudeat priuile-
gio Concilij Tridentini sess. 23. cap. 9. de reformatione?

Et cur si dederit familiares familiarium Cardina-
lium frui priuilegio familiarium Cardinalis?

Et notatur, quod si Episcopus conferat beneficium in ea
Diocesi, potest statim suum familiarium ordinare,
non expectato triennio, sicut si daret beneficium cui-
que extraneo, possit illum statim ordinare, quod etiam
procedit in famulo familiaris Episcopi? Ex part. 4.
tr. 4. & Misc. Ref. 145.

Sup. hoc in
ad præteri-
ta. & infra in
Ref. 71. §. vlt.
confid. ad
medium.

Sup. hoc in
Ref. seq.

Sup. hoc in
Ref. 5. & in
alii. vlt.
in Ref. 25.

§. 1. **H**ic casus est curiosus, & practicabilis, quem
tamen apud paucos auctores inuenies, pro
quo suppone ex dicto Concilio Trident. posse Episcopum
ordinare familiarem suum non subditum, si
per triennium secum fuerit commoratus, benefi-
cium quacunque fraude cessante illi conferat; hoc
supposito ad quæstionem propositam affirmatiuè
respondit Sanchez in opus. tom. 2. lib. 7. cap. 1. dub. 20.
num. 24. vbi sic ait. Familiares, vel familiae familiarium
Episcopi, qui expensis Episcopi aluntur, dicuntur
familiares Episcopi, & fruuntur priuilegio dicti
cap. 9. Tridenti, pro hac sententia est Mandosius
reg. 3. Cancell. quæst. 16. vbi dicit, familiares familiarium
Cardinalium frui priuilegio familiarium Cat-
inalis, & adducit etiam Salicetum, Oldradum, &
Henriquez.

2. Notandum est etiam hic obiter contra Pe-
trum de Ledesma in summa 10.2. de sacrament. Ordin.
c. 5. post. 9. conclus. quod si Episcopus conferat beneficium
in ea diocesi, potest statim suum ordinare
familiarem, non expectato triennio, quia tunc non
ordinat prætextus familiaritatis, sed quia ratione
beneficij fortuitus domicilium in ea diocesi, sicut si
daret beneficium cuicunque extraneo, posset illum
statim ordinare, quia acquirit ibi domicilium, iuxta
cap. 3. de temp. ordin. in 6. Ita Sanchez vbi sap. a num.
25. consultus cum Henriquez, quorum doctrinam
ego altero etiam procedere, ut patet in famulo fa-
miliaris Episcopi.

RESOL. LXVII.

An Episcopus, si confert beneficium familiari in sua
Diocesi, possit illud ordinare, non expectato triennio?
Ex part. 8. tr. 2. Ref. 37.

§. 1. **N**egatiuè responderet Ledesma in sum. tom. 1.
de sacr. Ordin. c. 5. post. 9. concl. sed nomina-
tim contra illum, contrarium sententiam tenet Auer-
fa de sacr. Ordin. quæst. 3. f. 6. siquidem absque omni
titulo familiaritatis potest Episcopus ordinare
quemcumque habentem beneficium in sua Diocesi
ex hac soli subiectione beneficij, ut dictum est. Et ita
etiam hanc sententiam contra Ledesm. tenet Sanchez
in opus. tom. 2. lib. 7. c. 1. dub. 20. n. 25. vbi sic ait. Secun-
dò nota circa eundem casum, quod si Episcopus con-
ferat beneficium in ea Diocesi, potest statim ipsum
ordinare familiarem, non expectato triennio. Ratio,
quia tunc non ordinat prætextus familiaritatis, sed
quia ratione beneficij fortuitus domicilium in ea
Diocesi. Sicut si daret beneficium cuicunque extra-
neo, posset illum statim ordinare: quia acquirit ibi
domicilium iuxta c. 3. de temp. ordin. in 6. sic Doctor
Henriquez à me consulit. Ita Sanchez.

3. Sed hic se offert curiosa dubitatio; quia
Concilium, ut visum est determinat, posse Episco-
pum ordinare suum familiarem triennalem, modò
ei conferat beneficium; si Episcopus confert benefi-
cium alicui, constat, quod ratione illius beneficii sit
ei subditus, & sic intu tu illius potest eum ordinare,
ut patet superius in verb. dimissoria, §. 1. ergo nihil
prodicit ei familiaritas triennalis cum absque ea pos-
sit eum ordinare ratione beneficii sibi collati?

4. Respondeatur primò, quod quando Episcopus
vellet ordinare suum familiarem triennalem abso-
lute, & simpliciter, id est, quia non habet animum
residendi in posterum in loco Episcopi domini sui:
tunc Episcopus non potest eum ordinare ratione so-
lius familiaritatis triennalis: sed tenetur ei conferre
beneficium propter adimplitionem sacr. Concil.
Trid. sess. 21. cap. 22. de reformat. & Bullam Pij V. in
accepto Ordine sine titulo, postea cogatur cum de-
core Ordinis mendicare, ad evitandas penas cap.
Episcopi, cap. tuis, de prob.

4. Respondeatur secundò, si vero Episcopus con-
ferret alicui suo familiari beneficium aliquod, vel
Curatum, vel Canonicatum, vel simplex sufficiens
ad viatum, excedens fortassis summan ducatorum
quadraginta, vel quinquaginta certò, & permane-
rit cum eo spatio vinis mensis, & habet animum il-
lic residendi in futurum, potest eum ordinare ratio-
ne beneficii collati, quia si hoc licet uniuicue, etiam
suo familiari, qui saltu ei seruit per mensem,
propt. sapr. verb. dimissoria, §. quinque, & tunc non est
opus familiaritatis triennali, Nauarr. consil. 2. de tem-
por. ord. & consil. 26. & quod hoc verum sit, perpende
verba sacri Concilij, ut bene notat Nauarr. consil. 11.
loci citato, num. 2. quod Episcopus non potest nec
primam Tonsuram conferre suo familiari triennali,
nisi prius conferat ei beneficium; sed clarum est,
tam per sacrum Concilium, quam per Bullam Pij V.
quod beneficium non est necessarium Clerico, nisi
quando vult ascendere ad sacrum Ordinem.

5. Respondeatur tertio, si conferat ei aliquod be-
neficium simplex parui momenti, etiam vigintiquin-
que ducatorum, vel beneficium temporarium ut puta
seruita quadam Ecclesiæ, vel quadam Missas cele-
brandas, non excedentes prædictam summam: tunc
non potest eum ordinare ratione illius beneficii, tam
quia debet sufficiens, pro ut dictum est in verb. dimis-
soria.

Sup. hoc in
Ref. præteri-
ta. §. vlt. in
principio.

Sup. hoc in
Ref. præteri-
ta. §. vlt. ad
medium, &
in aliis eius
vlt. not.